



Broj:02-154-8/21

Datum, 22.03.2021.godine

Na osnovu člana 64. stav (1) i člana 70. stav(1), (3) i (6) Zakona o javnim nabavkama („Sl. glasnik BiH“, broj 39/14) odredaba Pravilnika o javnim nabavkama JZU UKC Tuzla broj 01-8-4-1/15 od 02.07.2015.godine, u skladu sa članom 45. stav (1) Statuta Javne zdravstvene ustanove Univerzitetski klinički centar Tuzla (prečišćeni tekst), na osnovu preporuke Komisije u otvorenom postupku javne nabavke medicinske opreme -Optički koherentni tomograf-OCT sa angiografijom, Direktor je donio

ODLUKU

o izboru najpovoljnijeg ponuđača

Član 1.

Prihvata se Preporuka broj:02-154-7/21, Komisije za provođenje otvorenog postupka javne nabavke medicinske opreme -Optički koherentni tomograf-OCT sa angiografijom i ugovor za javnu nabavku jednog Optičkog koherentnog tomografa-OCT sa angiografijom će se ponuditi napovoljnijem ponuđaču “Mes” d.o.o. Zenica.

Član 2.

U skladu sa članom 72. stav (1) Zakona o javnim nabavkama (“Službeni glasnik BiH” broj 39/14) ugovorni organ će ponuditi ugovor o nabavci medicinske opreme Optički koherentni tomograf-OCT sa angiografijom, model Avanti AngioVue Comprehensive (zastićeno ime: RTVue XR (avanti)) proizvođača Optovue Inc, Fremont Kalifornija, SAD, godina proizvodnje 2021., ponuđaču “Mes” d.o.o. Zenica, po cijeni 109.400,00 KM bez uračunatog PDV-a, a cijena ponude sa uračunatim PDV-om (ukupna cijena za ugovor) iznosi 127.998,00 KM.

Ukoliko ponuđač prihvati prijedlog ponuđenog ugovora, obavezan je dostaviti dokumentaciju zahtijevanu tenderskom dokumentacijom iz člana 45. Zakona o javnim nabavkama, u roku od 7 dana od dana prijema ove odluke.

Član 3.

U skladu sa članom 70. stav (6) Zakona o javnim nabavkama, ova Odluka će biti objavljena na web-stranici ugovornog organa www.ukctuzla.ba, istovremeno, sa upućivanjem ponuđačima koji su učestvovali u postupku predmetne javne nabavke.

Član 4.

Odluka stupa na snagu danom donošenja.

Obrazloženje

Postupak javne nabavke jednog Optičkog koherentnog tomografa-OCT sa angiografijom za potrebe Klinike za očne bolesti, je pokrenut Odlukom direktora broj:02-154-1/21 od 04.02.2021. godine, metodom otvorenog postupka javne nabavke.

Procjenjena vrijednost nabavke je 109.401,00 KM bez uključenog PDV-a. Kriterij je najniža cijena za tehnički prihvatljivu ponudu. Planirana e-aukcija.

Komisija za provođenje predmetne javne nabavke je imenovana rješenjem direktora broj: 02-154-2/21 od 04.02.2021. godine.

Nakon sto je Ugovorni organ proveo procedure, koje zahtijevaju javne nabavke, Komisija za javne nabavke je pristupila obavljanju povjerenih joj poslova i zadataka.

15
Komisija je utvrdila da je u predmetnom postupku, trinaest (13) ponuđača preuzelo tendersku dokumentaciju u sistemu "E-nabavke".

Na javnom otvaranju ponuda održanom dana 09.03.2021. godine u 10,00 sati nisu bili prisutni predstavnici ponuđača. Prilikom otvaranja ponuda, Predsjedavajući komisije je u skladu sa članom 63. stav (4) Zakona o javnim nabavkama ("Službeni glasnik Bosne i Hercegovine" broj: 39/14 od 19.05.2014. godine), pročitao i saopćio podatke o: a) nazivu ponuđača, b) ukupnu cijenu navedenu u ponudi i c) popust.

Blagovremeno su zaprimljene dvije (2) ponude, dostavljene od: "Đaković"d.o.o. Aleja Svetog Save 51. Banja Luka i "MES" d.o.o. Londža 138/PC Roma II Zenica.

Nakon otvaranja ponuda, Komisija je utvrdila da ponuda ponuđača "Đaković"d.o.o. Banja Luka broj 1-7/21 iznosi 109.000,00 KM bez uključenog PDV-a, a ponuda ponuđača "Mes" d.o.o. Zenica broj:P-17-02-1/21 iznosi 109.400,00 KM bez uključenog PDV-a.

Popust ponuđači nisu dali.

Utvrđeno je, da ponude formalno zadovoljavaju prvu fazu- kvalifikovanost ponuda, obzirom da prispjele ponude sadrže dokaze propisane tenderskom dokumentacijom o ispunjavanju kvalifikacionih uslova te mogu ići u daljnju proceduru odabira najpovoljnije ponude prema kriteriju navedenom u tenderskoj dokumentaciji broj:02-154/21.

Nakon provedene detaljne analize dostavljenih ponuda, u pogledu tehničkih karakteristika i specifikacije aparata ponuđene opreme Optički koherentni tomograf-OCT sa angiografijom i stručno tehničkog aspekta i zadovoljavanja minimalnih tehničkih karakteristika dostavljenih ponuda, Komisija je utvrdila slijedeće:

1. Ponuđač "Đaković" d.o.o. Banja Luka je dostavio ponudu za aparat naziva Spectral Optical Coherence Tomographer REVO 80, model SOCT Copernicus REVO 80, godina proizvodnje 2020. proizvođača OPTOPOL Technology Sp.z.o.o. POLJSKA.

Uvidom u tehničke karakteristike ponuđenog aparata "Đaković" d.o.o. Banja Luka Komisija je jednoglasno konstatovala da ponuda nije zadovoljila zahtjeve Ugovornog organa, odnosno pregledom kataloga, utvrđeno da se tehničke karakteristike koje je naveo ponuđač ne slažu sa ponudom iz dostavljenog kataloga, te ponuđeni aparat ne zadovoljava potrebe Ugovornog organa navedene u Aneksu 4 tenderske dokumentacije i to u pogledu stavki: 1.5, 1.7, 1.12. tenderske dokumentacije. Komisija je uradila detaljno obrazloženje po stavkama kako slijedi:

" Stavka 1.5 Glaukomijski skenovi (3D disk ,ONH,GCC)"

Ponuđač je naveo da navedenu stavku zadovoljava. Međutim, uvidom u specifikaciju aparata (katalog) utvrđeno je da ponuđeni aparat nema 3D disk (strana 45-51 u katalogu)

"Stavka 1.7 Angiografski skenovi (uključena analiza makule i optičkog živca). Angiografski mode mora imati modove macula/Center/Disc. Pored toga uključen i mosaic mode i angioanalitika"

Ponuđač je naveo da je navedena stavka zadovoljena Uvidom u specifikaciju aparata (katalog) utvrđeno je da ponuđeni aparat : nema kompletne angioanalitike.

"Stavka 1.12 Veličina slike optičkog živca 4,5x4,5mm HD ili 6x6mm HD"

Ponuđač je naveo da je navedena stavka zadovoljena. Uvidom u specifikaciju aparata (katalog) utvrđeno je da ponuđeni aparat : nema HD rezoluciju

Na osnovu svega navedenog, Komisija je odlučila da ponuda ponuđača "Đaković" d.o.o. Banja Luka nije prihvatljiva za ugovorni organ, a u skladu sa Članom 68. stav (4). tačka i) Zakona o javnim nabavkama (ponuđeni aparat ne ispunjava zahtjeve iz tenderske dokumentacije).

2. Ponuđač "Mes" d.o.o. Zenica je dostavio ponudu za model Avanti AngioVue Comprehensive (zastićeno ime: RTVue XR (avanti)) proizvođača Optovue Inc, Fremont Kalifornija, SAD, godina proizvodnje 2021. Na osnovu izvršenog uvida u ponudu, suštinske provjere sadržaja i validnosti dokumentacije i poređenja tehničke specifikacije ponuđenog aparata i zahtjeva iz TD komisija je utvrdila da je Mes d.o.o. Zenica dostavio kompletnu, formalno i tehnički prihvatljivu ponudu i ponuda ponuđača "Mes" d.o.o. Zenica je ocijenjena kao prihvatljiva za Ugovorni organ.

E-aukcija nije održana, obzirom da nisu ispunjeni uslovi za održavanje e-aukcije.

Shodno navedenom, komisija je preporučila Ugovornom organu da ugovor o javnoj nabavci Optičkog koherentnog tomografa-OCT sa angiografijom, model Avanti AngioVue Comprehensive (zastićeno ime: RTVue XR (avanti)) proizvođača Optovue Inc, Fremont Kalifornija, SAD, godina proizvodnje 2021., ponuđaču "Mes" d.o.o. Zenica, ponudi ponuđaču "MES" d.o.o. Zenica po cijeni 109.400,00 KM bez uračunatog PDV-a, a cijena ponude sa uračunatim PDV-om (ukupna cijena za ugovor) iznosi 127.998,00 KM.

U postupku ocjene provedenog postupka, Direktor Ugovornog organa nije našao razloge, nepravilnosti niti propuste u radu, koji bi, eventualno bili osnov za neprihvatanje preporuke Komisije za javnu nabavku, a izbor najpovoljnijeg ponuđača izvršen je u skladu sa Zakonom, podzakonskim aktima i tenerskom dokumentacijom.

Iz navedenih razloga, a primjenom člana 64. stav (1) tačka b) Zakona odlučeno je kao u dispozitivu ove odluke.

Pouka o pravnom lijeku:

Protiv ove odluke može se podnijeti žalba Ugovornom organu najkasnije u roku od 10 dana od dana prijema ove odluke.

Dostaviti:

1x Ponuđačima,
1x web-stranici Ustanove,
1x Evidencija.

K.S.



DIREKTOR
Prof.dr med.sci. Vahid Jusufović